



Broj: 07-04-14-20385-1/18
Sarajevo, 25.04.2018. godine

Na osnovu Odluke o donošenju Programa utroška sredstava sa kriterijima raspodjele sredstava "Poticaj razvoju male privrede" za 2018. godinu, broj: 07-04-19-20183-1/18 od 24.04.2018. godine i člana 3. stav (6) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17), Ministarstvo privrede Kantona Sarajevo objavljuje

J A V N I P O Z I V

za odabir banke za plasman kreditne linije uz subvencioniranje dijela troškova kamate od strane Ministarstva privrede za subjekte male privrede koji posluju na području Kantona Sarajevo

Pozivate se da dostavite ponudu za pružanje sljedećih usluga: "Plasman kreditne linije subjektima male privrede sa područja Kantona Sarajevo uz subvencioniranje dijela troškova kamate iz sredstava Budžeta Kantona Sarajevo – Ministarstva privrede za 2018. godinu". U cilju provođenja ove kreditne linije, za subvencioniranje dijela troškova kamate, Ministarstvo privrede obezbjeđuje sredstava u iznosu od 2.000.000,00 KM. Prilikom odabira banke posebno će se cijeniti:

- a) visina finansijskih sredstava za kreditnu liniju,
- b) visina kamatne stope,
- c) visina troškova obrade kredita i
- d) broj i finansijski iznos uspješno implementiranih kreditnih linija na području Kantona Sarajevo čiji su karakter i kompleksnost slični onima koji se odnose na ovaj javni poziv.

I PREDMET POZIVA

- a) Predmet Javnog poziva je prikupljanje ponuda za odabir banke – partnera za plasiranje kreditne linije uz subvencioniranje dijela kamatne stope subjektima male privrede sa područja Kantona Sarajevo. Subjekti male privrede, korisnici poticajnih kreditnih sredstava imaju obavezu da najmanje 30% iznosa odobrenih kreditnih sredstava plasiraju za nabavku osnovnih sredstva, a maksimalno 70% iznosa kreditnih sredstava za obrtna sredstva. Kreditna sredstva uz subvencioniranje dijela troškova kamate iz Budžeta Kantona Sarajevo namijenjena su subjektima male privrede u 2018. godini za uredno obavljanje registrovane djelatnosti i zapošljavanje novih radnika. Ministarstvo privrede je u Budžetu Kantona Sarajevo obezbjedilo sredstva u iznosu od 2.000.000,00 KM za subvencioniranje troškova kamate, a Banka obezbjeđuje kreditna sredstva subjektima male privrede. Ugovorom između Kantona Sarajevo – Ministarstva privrede i odabrane banke će se regulisati pravo i uslovi podnošenja prijave za kreditna sredstva iz ove kreditne linije, visina kreditnih sredstava, visina i način realizacije subvencionirane kamatne stope, te način monitoringa i izvještavanja Ministarstva privrede o korisnicima ove kreditne linije. Krajnji rok za realizaciju ugovora je 31.12.2018. godine.
- b) Pojam subjekti male privrede podrazumjeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je



propisano Zakonom o poticaju razvoja male privrede ("Službene novine Kantona Sarajevo", broj: 29/15).

- c) Sredstva Budžeta Kantona Sarajevo ne mogu se koristiti kao poticajna sredstva za obavljanje sljedećih djelatnosti: ugostiteljska, proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu, otvaranje kasina i drugih igara na sreću.

II OBAVEZE BANKE

- a) Obaveza Banke je da nakon zaključivanja ugovora objavi otvoreni javni poziv za dodjelu poticajnih kreditnih sredstava, s tim da se prijave sa potpunom i potrebnom dokumentacijom podnose Banci. Odobreni kredit po jednom korisniku ograničava se iznosom do 1.000.000,00 KM sa maksimalnim rokom otplate u zavisnosti od vrste i visine kreditnog zahtjeva od 36 do 84 mjeseci. Javni poziv je otvoren do iskorištenja sredstava, ali ne duže od 31.12.2018. godine.
- b) Banka razmatra zaprimljene prijave aplikanata u skladu sa Ugovorom i Javnim pozivom, te provodi ostale aktivnosti u skladu sa aktima Banke.
- c) Banka, uz pismenu saglasnost Ministarstva privrede na prijedlog kreditiranja, zaključuje ugovore sa korisnicima kredita, najkasnije u roku od tri mjeseca od prijema zahtjeva.
- d) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u cjelosti snosi rizik naplate odobrenih poticajnih kreditnih sredstava – glavnice i pripadajuće kamate.
- e) Banka se obavezuje izvještavati Ministarstvo privrede o namjenskom trošenju kreditnih sredstava u formi koju usaglase Ministarstvo privrede i Banka, te u skladu sa ugovorom vrši kontinuirani monitoring o namjenskom utrošku sredstava. Banka će voditi posebnu računovodstvenu evidenciju za sve korisnike po ovoj kreditnoj liniji.
- f) U skladu sa ugovorom korisnici sredstava dužni su banci u roku i na način propisan ugovorom dostaviti dva primjerka Izvještaja sa dokazima o namjenskom utrošku sredstava iz ove kreditne linije, nakon čega banka jedan primjerak Izvještaja sa dokazima dostavlja Ministarstvu privrede.

III MJESTO I NAČIN PODNOŠENJA PONUDE

Ponudač dostavlja ponudu u originalu i podnosi je u zatvorenoj koverti na protokol Kantona Sarajevo ili putem pošte. Na prednjoj strani koverta, mora biti navedeno:

Naziv: Kanton Sarajevo – Ministarstvo privrede

Adresa: Ulica Reisa Džemaludina Čauševića 1, 71000 Sarajevo

Na koverti obavezno naglasiti: Ponuda za pružanje bankarskih usluga „**NE OTVARAJ**“

Na poleđini koverta obavezno se navodi: naziv podnosioca ponude, adresa i kontakt telefon, te se ovjerava pečatom. Ponuda, bez obzira na način dostavljanja, mora biti zaprimljena u Ministarstvu privrede do datuma navedenog u javnom pozivu. Sve ponude zaprimljene nakon tog vremena su neblagovremene i kao takve, neotvorene će biti vraćene ponudaču. Ponuda se čvrsto uvezuje na način da se onemogućiti naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

IV USLOVI ZA UČEŠĆE

Opšta dokumentacija:

- a) Rješenje o upisu u sudski registar;
- b) Dokaz o dozvoli za rad (licenca) od Agencije za bankarstvo Federacije BiH;
- c) Certifikat Agencije za osiguranje depozita



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- d) PDV i identifikacijski broj,
- e) Dokaz o Adekvatnost kapitala na dan 31.12.2017. godine koja ne smije biti manja od 16%.
- f) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Poreske uprave Federacije BiH ne starije od tri mjeseca od dana podnošenja prijave;
- g) Uvjerenje nadležnog suda ili organa uprave kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- h) Izjava da visina kapitala na dan 31.12.2017.godine, nije manja od 100 miliona KM; i
- i) Kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za posljednji kvartal 2017. godine.

Posebna dokumentacija:

Uspješno iskustvo u realizaciji ugovora čiji su karakter i kompleksnost slični onima koji se odnose na ovaj javni poziv (broj i finansijski iznos uspješno implementiranih kreditnih linija) i ovjerena Izjava ponuđača o tehničkoj opremljenosti i osposobljenosti za izvršenje traženih usluga.

Sve kopije dokumenata koje se prilažu moraju biti ovjerene od strane nadležnog tijela uprave ili notara, ovjerom, ne starijom od 3 (tri) mjeseca, računajući od dana objave Javnog poziva.

IV ROK ZA PODNOŠENJE PONUDA NA JAVNI POZIV

Rok za dostavljanje ponuda je 30 dana od dana objave Obavještenja o Javnom pozivu u dnevnom listu "Oslobođenje" i na web stranici Ministarstva.

V OCJENA I IZBOR PONUDE

Odabir banke za plasman kreditne linije uz subvencioniranje dijela kamatne stope od strane Ministarstva privrede za subjekte male privrede provodi Komisija koju u skladu sa zakonskim propisima imenuje Ministar privrede Kantona Sarajevo. Kriteriji za ocjenu i izbor ponude su:

- a) visina sredstava za kreditnu liniju----- učešće 55% ----- max. 55 bodova
- b) visina kamatne stope ----- ____ (%) ----- učešće 30% ----- max. 30 bodova
- c) visina troškova obrade kredita----- ____ (%)----- učešće 10% ----- max. 10 bodova
- d) broj i finansijski iznos uspješno implementiranih kreditnih linija
sličnih onima koji se odnose na ovaj javni poziv ---- učešće 5% ----- max. 5 bodova

Nije dopušteno dostavljanje alternativne ponude. U slučaju da više banaka, nakon ocjenjivanja ponuda, ostvare isti broj bodova prednost u odabiru ekonomski najpovoljnije ponude, imat će ponuda banke sa većim ukupnim kapitalom. Sve banke, učesnice na javnom pozivu, biti će obaviještene o odluci i rezultatu postupka javne nabavke, u roku od 7 (sedam) dana od donošenja odluke. **Ugovor se dodjeljuje Banci koja je u skladu sa navedenim kriterijima dostavila ekonomski najpovoljniju ponudu.**

VI OSTALE ODREDBE

U postupku po Javnom pozivu Ministarstvo ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Podnosiocu ponude koja udovoljava formalno-pravnim uslovima iz Javnog poziva, a koji bude odbijen zbog manje ocjenjene ponude na njegov pismeni zahtjev, Ministarstvo će obrazložiti razloge zbog kojih isti nije odabran. Prispjela dokumentacija se ne vraća podnosiocu ponude. Sve dodatne informacije vezane za Javni poziv mogu se dobiti svakim radnim danom putem telefona: 033/ 562 119.

MINISTAR

Dr Muharem Šabić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

